

# REBWETAUA AIKA A BUBURA ao Kaara aika Takiakia

*"Bukin tera Tamara are i Karawa e aki kararoi karongoa aika rebwetaua?" E titiraki Charlotte.*

**Iroun Heather Sullivan**

(E boboto i aon te karaki ae koaua)

*E riki te karaki aei i USA.*

**E**ririba te kabero Charlotte! Eririba te kabero bwa e na ongo i tanningana ke okioki tangina i atuuna. Riki ngkana e bon atai bwa e mano, e bon namakina naba te mweengabuaka n tangin taian kaa, tataruua te koraki, ke n rebwen te oro turam.

Ao Charlotte e *bon* aki tatangira te bweeuti!

A kataia ni karaoi bwaai aika a mwaiti ana utu ni karaua nanona ngkana iai te karongoa ae kabero. E kabooa bwain tanningana ae onoti Tamana ni buokia n totokoa te karongoa. Ngkana e rebwe te baa, e konna Tinana i aon te rabuna. E tataro naba Charlotte ibukin buokana bwa e na aki maaku.

Bwaai aikai ni kabane a bane n ibuobuoki.

Ma e teimatoa n namakina te maaku ni kaberonon te karongoa.

"Ti na nako n ira te kamataku n te karebwe bweeuti n te tabo ni kaakibotu n tairiki," E tuatua Tinana nakon Charlotte. "Ko kan iri?"

E mata n un Charlotte. "Ma e rangi n rebwetaua rebwen te bweeuti."

"N te tai aei koa ikawai riki, e na rang kaunga makuakinan te karebwe bweeuti," e taku Tinana. "A na roko ni kabane raraom ikekei. Ti kona naba n uoti bwain tanningana aika onoti. N am iango ko kona ni kataia?"

E kabubura ikekena Charlotte. "E RAOIROI. Tao N na kataia."

E waaki raoi n taina te kamataku n te karebwe bweeuti. A biriaitua i aon te uteute Charlotte ma raraona, n tibwai aia kanre ao n ira aia takakaro. E roo karawa n te tai ae tawe. E tekateka Charlotte ao e kanimwi bwain tanningana ngke e tararake n tara karawa ma te nakonnano.

**BOOM! BOOM! E REBWETAUA!**

E tata manawan Charlotte, ao e namakina bwabwaana bwa e a koomakii. E kibarake ao e kataia ni kararoi man te rebwetau are e katobibia.

E biri rimwiin Charlotte Tinana ao e tabekia rake. A uai n tekateka, ao e konna ni kaaniia Tinana. A tiinako ranin matan Charlotte.

"I kabwarabure ngkai koa maaku," e taku Tinana. "I mena i rarikim. Tia tarai taian kara bwa ko aonga n aki tabe ma te karongoa. Tera ae ko nooria ni matam?"

E ikerake Charlotte. "I noora te kooro, ao te uraura, ao te kiriin."

"Ngkai kabongana bwairim," e taku Tinana.

"Tera ae ko arokia?"

"I aroka boin te bubu ao te uteute," e taku Charlotte. "Ao te popcorn!"

"Tera riki am namakin ae ko kona ni kabongana n te tai aei?"

E kamatuui matana Charlotte. "I kona n namakinii. Ngkana e rebwetau te fireworks, I kona n namakina buki buki manawau."

"Tai te bwai ae ko kona n katoonga?" E titiraki Tinana.

E kaotinaoka newena Charlotte. "I aki kona n katoonga te bweeuti." E ngarengare.

Ni kabane bwaai aikai e karika mimiin Charlotte. *A kanga aomata ni karaoi matan kaara aika kakaokoro? e mimiakinna. E kanga n rebe te bweeuti? A kanga ni karaoi teia aika a kakaokoro? N te tai aei ao e aki tarau ni kakamaaku te bweeuti.*

"Tinau, a rang kamimia te nano taian bweeuti!" E taku Charlotte.

Ngke e kawenea Charlotte n ana kainiwene n te tairiki anne Tinana, e titiraki Charlotte. "Bukin tera Tamara are i Karawa e aki kaeka au tataro ngke I bubutiia bwa e na kanakoa te karongoa ae kabero?"

E iango tabeua te tai Tinana. "E aki kakanakoi n taainako bwaai aika a kakamaaku Tamara are i Karawa," e taku. "Ma n tabetai e buokiira bwa ti na nooria n teina ae kaokoro ke e anganiira ngaira aomata bwa ti na ibuobuoki ni kamanaira."

"N aron ae E buokai n te tairiki aei!" e taku Charlotte.

"Eti anne!" E wiingare tinana. "Ko nakon te kamataku ni karebwean bweeuti e ngae ngke ko maaku. Ngkane Tamara are i Karawa e buokiko ni kabebetia maaku. E buokiko naba n noora tamaroan te bweeuti man kabonganaan am namakin ake tabeua."

E iangoi matan kaara aika tokatoka Charlotte i karawa ao e moangare. E teimatoa n aki tatangira te karongoa ae beroro. E teimatoa ni makua. Ma e atai bwa e kona n ibuobuoki n taainako nakoina Tamara are i Karawa bwa e na ninikoria. ●

"Tai maku; bwa I memena i rarikim" (Itaia 41:10).